



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1442. usque ad annum 1460

**Fleury, Claude**

**August. Vind. [u.a.], 1768**

**VD18 90118324**

§. 72. Novi apparatus bellici contra Turcas

---

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

cessit ei apud Florentinos Poggius, sæcul. XV.  
A. C. 1444.  
quamvis alius quidam Historicus Carolum Aretinum Leonardi consanguineum in illius locum suffectum scribat.

## §. LXXII.

*Novi apparatus bellici contra Turcas.*

Ladislaus Poloniæ ac Hungariæ Rex præclaris, quas anno superiore de Turcis, consilio & ministerio Juliani Cardinalis, & Huniadis fortitudine ac auxilio reportauerat, victoriis stimulabatur, ut bellum tam secundo Marte inchoatum prosequi constitueret. Præterea Eugenius Papa, Veneti, Genuenses, & Philippus Burgundiæ Dux validam classem ad intercipiendum Turcis transitum in Europam Regi obtulerunt, & Joannes Paleologus Græcorum Imperator viribus suis quamvis imparibus, negotium illis in Thracia se facturum promisit. Nec defuit Caramaniæ Princeps, qui bellum in Asia Amurati inferret, cum interea Christiani eum in Europa, acriter infestante Scanderbego, persequerentur. Denique omnes, quorum intererat, ad arma convolabant, solis Polonis dissidentibus, qui pulsus ex Hungaria Turcis, infestas Tartarorum incursiones veriti, Regem suum in Poloniam revocare studebant, ut regni negotiis utilius prospiceret.

An. 1444.



**Sæcul. XV. ret.** Verum suffragiis plurimorum præ-  
**A. C. 1444.** valentibus decreta est in Hungaria pro-  
 fecutio belli, missaque ex Italia classis se-  
 ptuaginta Triremium, cui præfectus est  
 Cardinalis Condulmerius Papæ nepos,  
 qui in Hellespontum navigans, portus  
 occupavit, subsidiariis Turcarum copiis  
 transitum interclusurus.

## §. LXXIII.

*Amuratis consilia de pace cum Chri-  
 stianis pangenda.*

**Bonfin. 3.** **B**ellico hoc apparatu territus Amura-  
**dec. 6.** tes, ut tot tantosque Principes in sui  
**Crom. l. 21.** perniciem conspirantes, quibus par esse  
 diffidebat, dissiparet, serio pacem inire  
 meditabatur, cui antehac tam odio Chri-  
 stianæ Religionis, quam Imperii sui la-  
 tius protendendi cupiditate stimulatus,  
 nunquam aures præbere voluerat. Jube-  
 bat, Socero suo Despotæ Serviæ, quem  
 non solum principatu, sed & liberis suis  
 exuerat, si pax ejus opera sanciretur,  
 utriusque restitutionem clam promitti.  
 Georgius speciosæ hujus pollicitationis  
 lenociniis allectus, rem cum Huniade  
 communicavit, quem promissis quadra-  
 ginta millibus aureorum, & nonnullis  
 oppidis, quæ in Hungaria ancipiti jure  
 occupabat, ad pacem inclinavit, ipsum-  
 que Poloniæ Regem, jam aliunde profe-  
 quendi